

Komisioni për Mbrojtjen e Konkurrencës, bazuar në nenin 28 dhe nenin 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" nr. 208/24 dhe 16/25), dhe duke vepruar sipas njoftimit për përqendrim të parashtruar nga PRVA CAP SH.P.K Fond Special Investimesh k.d me seli në rr. Fajfarjeva ulica 33, 1000 Lubjanë, Republika e Sllovenisë, përmes Shoqërisë së Avokatëve Bona Fide nga Shkupi, në seancën e mbajtur më datë 05.06.2025, solli këtë

AKTVENDIM

Konstatohet se përqendrimi me të cilin PRVA CAP SH.P.K Fond Special Investimesh k.d me seli në rr. Fajfarjeva ulica 33, 1000 Lubjanë, Republika e Sllovenisë, ka për qëllim të fitojë kontroll të drejtpërdrejtë mbi COOKINOX Prodhimi dhe Shitja e pajisjeve hotilerike SH.P.K me seli në rr. Stantetova ulica nr. 27, 1295 Ivančna Gorica, Republika e Sllovenisë, edhe bie nën dispozitat e Ligjit për Mbrojtjen e Konkurrencës, nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve, **dhe është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.**

2.Detyrohet parashtruesi i njoftimit për përqendrim të paguajë taksë administrative për njoftimin për përqendrim në shumë prej 6.000,00 den. dhe për aktvendimin në shumë prej 30.000,00 den., sipas numrit tarifar 34 të Ligjit për Taksat Administrative ("Gazeta Zyrtare e Republikës së Maqedonisë" nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe "Gazeta Zyrtare e Republikës së Maqedonisë së Veriut" nr. 151/21) në llogarinë e Buxhetit të Republikës së Maqedonisë nr. 100000000063095, llogaria për pagesë 840...03161, kodi i të ardhurave dhe programi 72231300.

3.Padia për fillimin e kontestit administrativ nuk e shtyn ekzekutimin e aktvendimit.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më datë 05.06.2025, pranë Komisionit për Mbrojtjen e Konkurrencës (në tekstin e mëtejshëm: Komisioni) u dorëzua njoftim për përqendrim nga PRVA CAP SH.P.K Fond Special Investimesh k.d me seli në rr. Fajfarjeva ulica 33, 1000 Lubjanë, Republika e Sllovenisë, me të cilin PRVA CAP SH.P.K Fond Special Investimesh k.d do të fitojë kontroll të drejtpërdrejtë mbi COOKINOX Prodhimi dhe Shitja e pajisjeve hotilerike SH.P.K me seli në rr. Stantetova ulica nr. 27, 1295 Ivančna Gorica, Republika e Sllovenisë, përmes blerjes së pjesëve.

Komisioni filloi me shqyrtimin e Njoftimit me ditën e pranimi të tij dhe bazuar në të dhënat e dorëzuara në Njoftimin për përqendrim dhe shtojcat e tij, konstatoi si vijon:

Veprimtaritë themelore afariste të ndërmarrjeve të përfshira:

PRVA CAP SH.P.K Fond Special Investimesh k.d, vepron në tregun e fondeve alternative private të investimeve.

PRVA CAP SH.P.K Fond Special Investimesh k.d menaxhohet dhe përfaqësohet nga PRVA CAP menaxhim me investime SH.P.K – ndërmarrje e cila kryen menaxhimin e fondeve alternative të investimeve. Mbi PRVA CAP SH.P.K menaxhim me investime sh.p.k, kontroll të drejtpërdrejtë ushtron PRVA FINANCE SH.P.K, në këtë mënyrë ndërmarrjet e përmendura paraqesin pjesë përbërëse të Grupit PRVA CAP.

Në kuadër të Grupit PRVA CAP, PRVA FINANCE SH.P.K, ka ndërmarrje të ndërlidhura në Maqedoninë e Veriut, si vijon:

- KB Shoqëria e Parë për menaxhim me fonde pensionale të detyrueshme dhe vullnetare SH.A Shkup, me seli në rr. Mitropolit Teodosij Golloganov nr. 6, Shkup, Qendër, me veprimtari primare 66.3000 – Veprimtari të menaxhimit me fonde.
- Shoqëria e sigurimeve PRVA ZHIVOT SHA Shkup, me seli në rr. Mitropolit Teodosij Golloganov nr. 6, Shkup, Qendër, me veprimtari primare 65.110 – Sigurimi i jetës.

COOKINOX Prodhimi dhe Shitja e pajisjeve hotilerike SH.P.K vepron në tregun e prodhimit të pajisjeve komplete INOX për kuzhina dhe bare, pajisjeve hotilerike, dizajnit, produkteve metalike dhe pajisjeve. E njëjta nuk ka shoqëri të lidhura në R. të Maqedonisë së Veriut.

Komisioni konstatoi se përqendrimi i njoftuar bie nën dispozitat e Ligjit, sepse plotëson kushtet nga neni 12 paragrafi (1) dhe pika 2) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimi të aktvendimit.

**KOMISIONI PËR MBROJTJEN E KONKURRENCËS
KRYETARE**

Mr. Малинка Силјановска Николиќ